

密雲縣志

伯璵署端

密雲縣志卷八

詩

唐蘇拯鄒律詠

鄒律暖燕谷青史從編錄人事徒變遷徒吹閒草木世患有三惑爾律
莫能抑邊苦有長征爾律莫能息斯術未濟時斯律亦何益爭如至公
一開口吹起賢良霸邦國

唐蔣山卿白河寒望

極目空原野蕭條此水村茫茫河自白慘慘月初昏遠岸回蒲口寒湖
接海門扁舟忽漁唱楚客正傷魂

宋蘇轍詠龍潭

白龍晝飲潭修尾掛石壁幽人欲下看雨雹晴相射

旅行

密雲縣志 卷八
猿狄號古木魚龍泣夜潭行人已天北思婦隔江南

題燕山

燕山如長蛇千里限彝漢首銜西山麓尾掛東海岸

過白河澗

亂山環合疑無路小徑縈廻長傍溪髣髴夢中尋
蜀道興州東谷鳳州西

古北口謁楊無敵祠

行祠寂寞寄關門野草猶如避血痕一敗可憐非戰罪大剛嗟獨畏人
言驅馳本爲中原用常享能令異域尊我欲比君周子隱誅彤聊足慰
忠魂

奉使契丹古北道中

獨臥繯牀已七年往來殊復少縈纏心遊幽闕鳥飛處身在中原山盡

邊梁市朝廻塵滿馬蜀江春盡水浮天枉將眼界疑心界不見沖霄氣浩然

宋歐陽修奉使契丹過塞

古關衰柳聚寒鴉駐馬城頭日欲斜猶去西樓二千里行人到此莫思家

宋韓琦古北口

東西層巘入嵯峨關口纔容數騎過天意本將南北限卽今天意又如何

明唐順之古北口

諸城皆在山之坳此城冠山如鳥巢到此令人思猛士天高萬里鳴弓弰

明許倬塞上曲

古北關前月似霜石塘嶺下塞雲黃鳴笳夜半邊聲起不是征夫亦斷腸

明湯顯祖送人從軍

鴉鵲盤雲秋氣清長川飲馬暮嘶聲新穿繡甲花襖子知是潮河第一營

明黃淳耀賣棗兒行

密雲聚小者佳

燕山棗樹深棗生纂纂懸赤心懸赤心人不喜謂言南方棗如瓜仙種傳來勝於此市兒狡獪生大貪卽將北棗呼爲南剽皮脫核開生面北人得棗快稱善賣棗兒謂言爾黠爾更癡安得終身挾詐不使旁人知

明李夢陽潮河水

孤蓬絕塞口匹馬戍程前跨迴煙墩直緣危石棧連飛雲下獨石逝水入潮川舊對張軍帥題詩醉菊天

明視蒙古北口

虎豹森嚴雉堞牢
亂山如戟入雲高
驅車直上西岡頂
沙漠依稀見白旄

明總督許論巡邊回鎮

春禽嘒嘒草淒淒
路入檀州馬亂嘶
童僕浪傳家已到
誰知猶在洛陽西

明總督楊選白馬關遇雨

峻嶒石徑黑雲遮
雷雨風驅阻使車
乍聽高原林墮葉
卽看曲浪澗生花
豺狐入窟渾無迹
將校空山未有家
頃刻遙天雲霧散
萬峰蒼翠亦堪誇

明總督楊兆邊樓集宴

二月關山俯大河
中原樽俎散邊戈
春光逐雪寒氛靜
暝色將風晚照多

多戀闕五雲千載赤勞人雙鬢一時蟠登龍選勝今元禮座上新成琬
琰歌

題聖水泉如斯亭

飛堞奔崖傍水頭蒼茫關樹一浮漚澄波天近蛟龍伏古戍雲間鸛鶴
留報國慚無黃石計臨流思泛李膺舟如斯物色看流轉拚醉何須禮
數周

題初月亭

奇哉靈瀆瀉丹邱灌水浮空匹練收一榻雄風來白社雙城暝色下滄
州疆傳初月無烽火元草甘泉有壯猷神物何年蟠澗底時爲膏雨徧
遐陬

明總督劉應節登霧靈山

山盤大漠鬱蒼蒼爲問虛蹤到上方天地三千開世界華夷萬里見封

疆芙蓉半插青雲色簷笏時飛花雨香身在招提猶是幻皈依靜坐法中王

明總督王一鶚題石匣探奇亭

萬山攢翠壯壩城翹首西南拱帝京無鎖石函天示祕有紋靈匣地呈形飛黃常見金駒躍結綠曾聞寶劍橫開闢以來誰箇識禹秦未啓遺皇明

明總督閻鳴泰詠龍潭并引

石匣之南兩山之間有龍居之傳者輒神其說余弗信也丙寅秋余以行邊登陟其上初入峽口突見匹練從空而下奇之抵潭則石壁荷翻浪花雪噴危磴澄泓俯之骨慄若有神物焉憑之者再三焚祝動定杳然余遂結跏趺坐焚喃喃香默祝良久波濤中似有恍惚往來狀左右曰龍也余猶未然須臾旋風忽起潭面見一白點如雀卵

許盪漾層波之內定睛視之則龍頂上白也龍身長尺餘作老金黃色蜿蜒曲伸警然而匿旋復躍然而出凡三出三沒愈視愈彰余始信龍之爲真而傳之者非妄也隨投之以果酬之以大爵者三其果復逆流而上跳躍飛舞於驚濤急湍之間若弄珠然前之骨慄而懼者不覺神怡而暢左右縱觀咸驚希有嗚呼龍真神矣哉潭邊石勢欹仄不可駐足又命盧大將軍爲之石欄以定其志無眴其目蓋吾實身其險遂不欲貽人以險我實遇其神遂思與天下共遇其神從此和風甘雨以潤吾民鞏國祚於四維永聖壽於萬年龍之靈亦娑迦羅之本願力而阿耨達池之不思議功德也龍其肯我乎謹爲之長言以志其勝

塞草蒙茸滿平野防秋射獵闌車馬玉弩金鉦結陣雲敵人遠遁陰山下奇搜幽探歷漢關丹梯紫邏往回還風嘯深林疑虎穴霞封絕澗有

龍山龍兮龍兮不可擾或隱或現或大小譬如一顆牟尼珠隨方見色
殊杳渺我行懸磴甚槃跚怒濤噴薄濺琅玕浪花眼花爭鬥亂毛骨石
骨豎芒寒須臾心定凝真性寂照澄潭明月鏡有物蠕然出沆漭乍浮
乍沈游且泳人言卽此是真龍余亦貪看爲改容一點泥丸忽迸玉向
予若語口喁喁我聞真龍鞭赤電霖雨蒼生天下徧胡爲泥蟠此淵中
獨挹青天光一片水不在深有龍靈危巒複嶂擁金屏遙衛帝京同海
岳豈徒禱應轟雷霆噫嘻乎葉公好龍見龍走我見蜺蜺聲名吼拂劍
酣呼龍母來酬爾百七十七龍一杯酒

石匣探奇亭

并序

余夙聞薊門之有石匣久矣丙寅之秋以奉命行邊始獲寓目登扣
槃桓殊不可測真神物哉見前人題詠編蝕其上頓令本來面目戕
於錘鑿心甚惜之遂屬盧大將軍命工磨其頂而還其樸因爲之銘

其上夫自開闢以來有此石卽有此匣而名以實彰乃千古而下因
此匣遂益此石而實爲名累豈不懼哉蓋居其實不居其華道之所
貴而不有其名乃所以益其名君子所幾語曰旣雕旣琢復歸於樸
請以是爲石祝石其點頭也哉普願同心應作如是觀

萬山盤薄擁神京誰擲琅玕鎮北平天險孕苞原有意地靈呵護豈無
名未經禹鑿元工祕不逐秦鞭寶氣橫奇勝莫言多幻化長將玉壘壯
金城

明兵備道劉效祖登霧靈山

風雨嚴城獨倚樓振衣如在霧靈頭芙蓉秋色千尋起睥睨晴光萬里
收都護只應銷玉帳朝廷見說固金甌不知經略頻年客誰是關西定
遠侯

石塘嶺鸚鵡崖

原是關西鳥何因塞北看千年留勝迹萬里恣飛翰影落金塘淨光生玉壁寒從軍有隴客只恐報書難

明威繼光題龍潭

紫極龍飛翼北春石潭猶自守蛟人風雲氣薄河山迴闔闔晴開日月新三輔看天常五色萬年卜世屬中宸同遊不少扳鱗志獨有波臣愧此身

友月亭

邊愁隱隱上顛毛肺病那堪轉側勞惟有空亭一片月漫移花影上征袍

煙月風塵二十春一朝病集未間身忽來窗外黃梅雨又送新愁到耳頻

風塵已老塞門臣欲向君王乞此身一夜零霜侵短鬢明朝不是鏡中

人

明兵備道馮汝京詠則靈潭

應龍卜宅豈尋常
天水爲簾玉作房
青瑣甲穿銀骨冷
白玻璃合夜珠
光心嫌瀚海風波急
身借重淵歲月長
游戲不倫搖尾事
屈伸姑樂水雲鄉

明兵備道許如蘭龍潭

驅車來訪到龍潭
石上青苔砌小菴
爽氣繞筵猶帶露
危旌隱日自生嵐
人依玉樹妖塵遠
魄濯冰壺酒正酣
髣髴龍光歸杖履
驪珠應許共君探

明如鄒舟謁康復潮河亭同馮少伯送王筐石

瀟蕭秋樹水初寒
犬吠雞鳴景色寬
渡口久停舟穩穩
筵頭遙指路漫漫
漫教人惜別頻添酒
絕塞多愁強作歡
祖帳荒郊無限思
三年美政此

時看

寓檀城

門稀宜有暇容與遂閒心數畝自須耨高城聊可臨門迎五柳闢溪放
百花深町灌漸添綠栽勤乍獲林布袍屏從至秫醞携朋尋抱癖過張
廬忘機類漢陰便看佳味飽難却竹花淫架屋搜貧橐償傭割俸金夏
時資敝榭春日囀山禽耽靜坐拈句每來揮雅琴兵戈疆域急賴有鉅
公任

九月檀城見菊

極目秋天捲暮沙孤吟倍起使臣嗟寒叢亦自名爲菊邊地何嘗賞此
花橫嶺霜雲迷北雁高城晴月慘胡笳園籬千藥邀賓醉誰念淒其誤
歲華

明郭學書石匣

萬金匣透龍光貫千里飛霜劍氣寒留鎮三關戍聲靖不須徒手問樓蘭

明陸騰蛟五峯山

羣山疊翠瑞煙籠秀削遙看玉笥叢疑是擎天舒隻手五雲深處聳奇峰

明李維楨寄督府蹇公

璽書三錫策元公師保班高列禁中肘印舊懸金化鵲腰章新改玉如虹風清細柳無飛羽日御扶桑有掛弓四十五年身許國皤皤黃髮古人同

御史王公開府檀州督四鎮軍事

海岱英靈命世才戎旂高倚帝京開薊門雨雪行邊靜黍谷陽春按律迴白日貫虹人說劍黃金市馬客登臺久知燕趙多豪俠可許擔簦臨

躋來

明邊貢吳將軍巡關

邊馬歲南牧漢軍勞北防軍情異主將冷暖須共嘗朝出潮河川暮過
古北口邊峰傳羽箭朔氣嚴刁斗月下黑山晴分明見列營霜欺征袖
薄石報馬蹄鳴三軍旣宴然暇日倚吾枕天子不可驚長懷亞夫寢

明方孝問謁鄒子祠

夫子昔遊燕宮成碣石年墳荒肅然兩祠接女郎煙名自三騶著書從
五德傳夜深明月下彷彿笑談天

人去不可見川明終古流雲疑擁簪日廟似築宮秋碑色含苔冷蛩聲
帶雨愁應知精魄在千載此幽州

明劉震題黍谷上方流泉

一杖尋源入涓涓石磴重青涵黃葉寺寒度白雲鐘月色白逾靜嵐光

秋更濃
湫流何處去
羨爾似神龍

明楊旦過白馬關

怪石巉巖水亂流
柳勻新綠弄春柔
滿陂芳草眠黃犢
風景居然似建州

明朱廷鼎宿石匣僧舍

一番風雨客衣單
策蹇空歌行路難
城影參差煙樹隱
鐘聲斷續夕陽殘
人隨僧定燈應寂
劍護龍眠匣自寒
悔盡勞生尋遠夢
可堪畫角更無端

明邑令張世則戍邊有感

結束遠從征
辭家已百程
欲疲東海騎
漸老朔方兵
井邑財應竭
藩籬勢未成
每經霜露後
報國眼常明

明徐光乾邊驛苦